

vous parlés ainfi, vostre discours ira droit, vous ne vous mettrés pas en danger de vous perdre; & Dieu nostre pere voyant fes enfans ensemble, aura de bonnes penfées pour nous: Ce discours en fon langage n'a rien de barbare, & ces sentimens ne fe trouvent que dans vn cœur vrayement Chrestien.

Quelques vns de nos Neophytes ne laifferent pas de les accompagner, quoy qu'avec peine, à caufe de leurs superstitions: Voicy ce que l'un d'eux nous en racontoit [38] à son retour. Partant de Sainct Ioseph: nous allafmes prier Dieu à la Chapelle: passant par les trois Riuieres nous confeffafmes nous autres qui estions baptifés, & vn peu au delà les mefcroyans firent vn festin de deux chiens, ils chanterent & hurlerent selon nos anciennes coustumes, & tout celà pour tuer des ennemis. Je leur disois prou que cela ne seruoit de rien, mais ils s'en mocquoient; ils consulterent cinq fois les Diabes dans leur tabernacles, pendant tout ce temps là nous nous retirafmes à part faisant nos prieres à genoux, vn Sauvage non encor baptifé se mit de nostre costé, renonçant au Sabbat des infideles. A la derniere consulte les ennemis nous environnerent, si tost que nous en eufmes le vent mes Iongleurs quittent leurs tabernacles, & gagnent au pied; Je leur criay tout haut, & leur demanday ce que leur auoient feruy leurs demons; mon discours ne fut pas long, car il se fallut sauuer auffi bien que les autres, les vns gagnent les bois, les autres les eaux, nous nous embarquafmes sur le grand lac, sur lequel vogoit l'Ennemy, nous passafmes & repassafmes [39] dans les dangers fans estre descouverts; Je priois Dieu dans mon ame de tout mon cœur, il me sembloit que ie sentoie dans moy ie ne